

隨州志卷之十五

隨州知州張 璿輯

災祥

洪範庶徵師尹惟日占于日亦微矣而古人兢兢焉况水旱之災為民生所繫乎州縣吏比古之師尹故凡旱潦之與吾土者皆得書之其他雲物之幻草木之祥附焉志災祥第三十二

後周

建德二年旱涓流幾絕

周書于翼傳

隨州志

卷之十五

災祥

唐

神功二年隋州旱

唐書五行志

宋

熙寧五年夏隨州地震木折獲石其下

湖廣通志

隆興元年隨州大穢斗米六千錢七月蝗

全上

淳熙三年旱大穢

全上

慶元四年旱蝗知隨州趙方走禱於四郊一夕大雨

有收

舊志

元

元貞元年五月野蠶成繭亘數百里民取為績 全上

三年隨州旱

泰定元年旱

明

天順五年隨州大水

湖廣通志

成化元年大饑

全上

四年五月庚申雨雹夏大旱

舊志

宏治二年雨豆種之不實

全上

正德元年德安府屬旱

湖廣通志

隨州志

卷之五

災祥

二

二年三月儒學產芝三本

舊志

十月花盛開籬箕巷民張必顯妻徐氏生髮長三寸

日暴死

全上

十八年八月庚午星隕有聲如雷

全上

嘉靖三年正月地震

全上

二十年五月隨州大雨三日黃連村裂為壑有聲如雷

周五里皆震再越月乃止

德安府志

萬歷十年德安府屬大旱

十六年又旱

湖廣通志

四十四年八月蝗 舊志

四十五年冬地震有白氣現如東方逾月乃散 全上

四十七年十二月地震除夕有赤光如刃形 全上

天啟四年隨州城南關民家產一牛兩頭 全上

五年唐縣鎮雨豆形如彎弧其色如灰 全上

七年魯城河民家產麒麟 全上

崇正四年七月地震 全上

五年十一月雷 全上

七年蝗 全上

隨州志

卷之五

災祥

三

九年五月地震有聲如雷屋宇皆動 全上

本朝

順治三年岸見於大洪山北 全上

康熙三十八年秋隨州旱

詔賑穀 湖廣通志

四十四年潰水溢入玉波門壞居民房舍

五十七年旱

詔蠲其賦賑穀 湖廣通志

雍正十年大有年 全上

乾隆十五年六月澗水溢入玉波門壞民廬舍
二十六年饑

詔賑

三十二年七月澗水泛溢壞廬舍如前

四十四年饑

詔賑

四十五年麥大有秋

五十年旱大饑

詔賑銀米兼穀

隨州志

卷之五

災祥

四

五十二年大有年

撫史

顏淮漢以編年體作漢東志書久失傳未知於山川
城郭何所附麗至隨故實左氏後代有徵也故於類
別之餘復徵其見於史傳者述之次其前後以彷彿
編年之意云耳志撫史第三十三

秋七月齊師曹師伐厲

春秋僖公十有五年地理今釋
厲在德安府隨州北四十里有厲

山厲鄉
在山下

冬楚人伐隨

春秋僖公二十年

楚武王侵隨

桓公六年左傳
人物志季梁傳

泉

隨少師有寵楚鬬伯比曰可矣讎有釁不可失也夏楚子合諸侯於沈鹿黃隨不會使薳章讓黃楚子伐隨軍於漢淮之間季梁請下之弗許而後戰所以怒我而怠寇也少師謂隨侯曰必速戰不然將失楚師隨侯禦之望楚師季梁曰楚人上左君必左無與王遇且攻其右右無良焉必敗偏敗衆乃攜矣少師曰不當王非敵也弗從戰於速杞隨師敗績隨侯逸鬬丹獲其戎車與其戎右少師秋隨及楚平楚子將不許鬬伯比曰天去其疾

隨州志

卷十五

樞史

五

矣隨未可克也乃盟而還

桓公八年左傳

四年春王三月楚武王荆尸授師子焉以伐隨王行卒於橐木之下令尹鬬祁莫敖屈重除道梁嗟營軍臨隨隨人懼行成莫敖以王命入盟隨侯且請爲會於漢汭而

還 莊公四年左傳

隨以漢東諸侯叛楚冬楚鬬穀於菟帥師伐隨取成而還君子曰隨之見伐不量力也量力而動其過鮮矣善敗由已而出人乎哉詩曰豈不夙夜謂行多露

僖公三十

年左傳

唐城公如楚有兩肅爽馬子常欲之弗與三年止之唐人
或相與謀請代先從者許之飲先從者酒醉之竊馬而
獻之子常子常歸唐侯自拘於司敗曰君以弄馬之故
隱君身奔國家羣臣請相夫人以償馬必如之唐侯曰
寡人之過也二三子無辱皆賞之

定公三年左傳

冬蔡侯吳子唐侯伐楚敗諸雍澁五戰及郢庚辰吳入郢
鬪辛與其弟巢以王奔隨吳人從之謂隨人曰周之子
孫在漢川者楚實盡之天誘其衷致罰於楚而君又竄
之周室何罪君若顧報周室施及寡人以獎天衷君之

州志

卷十五

撫史

六

惠也漢陽之田君實有之楚子在公宮之北吳人在其
南子期似王逃王而已爲王曰以我與之王必免隨人
卜與之不吉乃辭吳曰以隨之辟小而密邇於楚楚實
存之世有盟誓至於今未改若難而奔之何以事君執
事之患不唯一人若鳩楚竟敢不聽命吳人乃退鑪金
初宦於子期氏實與隨人要言王使見辭曰不敢以約
爲利王割子期之心以與隨人盟

定公五年傳

秦子蒲子虎帥車五百乘以救楚敗吳師於軍祥秋七月

子期子蒲滅唐

定公六年傳

撫史首春秋尊經也左傳本內經而行不
並於列史故亦另列史記以下則以年編

楚武王三十五年楚伐隨隨曰我無罪楚曰我蠻夷也今
諸侯皆為叛相侵或相殺我有敝甲欲以觀中國之政
請王室尊吾號隨人為之周請尊楚王室不聽還報楚
三十七年楚熊通自立為武王與隨人盟而去於是始
開濮地而有之周召隨侯數以立楚為王楚怒以隨背
已伐隨武王卒師中而兵罷史記楚世家

杜敖五年欲殺其弟熊惲惲奔隨與隨襲弑杜敖代立是
為成王同上

隨州志

卷之五

撫史

七

昭王十年吳王闔閭與唐蔡俱伐楚五戰及郢昭王奔隨
吳王聞昭王往即進擊隨謂隨人曰周之子孫封於江
漢之間楚盡滅之欲殺昭王王從臣子綦乃深匿王自
以為王謂隨人曰以我與吳隨人卜于吳不吉乃謝吳
王曰昭王亡不在隨吳請入自索之隨不聽吳亦罷去
同上

十年楚昭王滅唐

同上

地皇三年平林陳牧等聚眾攻擊鄉聚莽遣納言大將軍
嚴尤秩宗大將軍陳茂擊荊州世祖與兄齊武王伯升

宛人李通招致陳牧等合攻棘陽初世祖族兄聖公先在平林兵中四年三月辛巳朔平林新市下江兵將王常等共立聖公為帝改年為更始元年

漢書王莽傳

劉聖公光武族兄也弟為人所殺聖公結客欲報之客犯法聖公避吏於平林吏繫聖公父子張聖公詐死使人持喪歸春陵吏乃出子張聖公因自逃匿地皇三年新市人王匡王鳳等北入南陽號新市兵七月進攻隨未能下平林人陳牧廖湛復聚眾千餘人號平林兵以應之聖公因往從牧等為其軍安集掾

後漢書劉聖公傳

隨州志

卷之五

雜史

八

王常為弟報仇亡命江夏久之與成丹張邛別入南郡號下江兵王莽遣嚴尤陳茂擊破之常與丹邛收散卒入夔谿劫畧鍾龍間

章懷注隨州隨縣東北有三鍾山

眾復振引兵與荆

州牧戰於上唐大破之

王常傳

桓石民與隨郡太守夏侯澄之破苻堅將慕容垂姜成等於漳口

晉書桓彝傳

大安二年鎮安大將軍新野王歆遣騎督靳滿討張昌於隨郡西大戰滿敗走

張昌傳

沈慶之為世祖撫軍中兵參軍會于定諸山郎山蠻最

盛魯宗之屢討不能克慶之剪定之禽三萬餘口 宋書
沈慶之傳

寬下邳人泰始初為隨郡值西方反父元謨在都棄郡
歸明帝使隨張永討薛安都寬辭以母猶存在西為賊
所執請得西行遂襲破隨郡斬偽太守劉師念拔其母
事平明帝嘉之使圖畫寬形 南齊書王元載傳

永元二年冬虜遣桓道福攻隨郡太守崔士招破之 魏虜
傳

梁太清元年三月侯景內附遣司州刺史羊鴉仁督土州

隨州志

卷之五

撫史

九

刺史桓和等將兵三萬擊懸瓠

梁書武帝紀

賀拔勝攻梁下澁戍擒其戍主尹道珍等

周書賀拔勝傳

賀拔勝出鎮荊州表獨孤信為大都督從勝攻梁下澁戍

破之

獨孤信傳

楊忠宏農華陰人從獨孤信破下澁戍有功後梁武喪敗

其西義陽守馬伯符以下澁城降朝廷因之將經畧漢

沔乃授忠都督三荆二襄二廣南雍平信隨江二郢浙

十五州諸軍事以伯符為鄉導太祖令忠率眾南伐攻

渠隨郡克之

楊忠傳

司州刺史柳仲禮爲邊寇泉仲遵從開府楊忠討之梁
驍郡守桓和拒守不降忠謂諸將曰本圖仲禮不在隨
郡如卽攻守恐引日勞師今若先取仲禮則桓和可不
攻自服諸君以爲何如仲遵對曰蜂蠆有毒何可輕也
若棄和深入遂擒仲禮和之降否尙未可知如仲禮未
獲和爲之援首尾受敵此危道也若先攻和指麾可克
克和而進可無反顧之憂忠從之仲遵以計由已出乃
率先登城遂擒和 泉企傳

伊婁穆爲襄州長史唐州山蠻恃險逆命穆率軍討之蠻

襄州志

卷之十五

撫史

十

首等保據石窟一十四處穆分軍進討旬有四日並破
之 伊婁穆傳

大建十一年八月己未周使持節上柱國鄖州總管司馬
消難以鄖隨溫應七順沔岳等九州魯山甑沌陽應
城平靖武陽上明潁水等八鎮內附詔以消難爲使持
節中大都督總督安隨等九州八鎮諸軍事車騎將軍
司空封隨郡公庚申詔鎮西將軍樊毅進督沔漢諸軍

事 陳書宣帝紀

周法尙字德邁汝南安成人也歸北拜開府順州刺史

胡

西魏置順州 封歸義縣公陳將樊猛濟江討之

大敗高祖為丞相司馬消難作亂陰遣上開府段嘯率

兵陽為助守因欲奪其城法尚覺其詐閉門不納珣遂

圍之於時倉率兵散在外因率吏士五百人守拒二十

日外無救援自度力不能支遂拔所領棄城遁走消難

虜其母弟及家累三百人歸於陳 周法尚傳

高祖年十六遷驃騎大將軍加開府周太祖見而嘆曰此

兒風骨不似代閒人武帝即位出為隨州刺史進位大

將軍後徵還大象二年十一月授相國進爵為王以隨

隨州志

卷十五 撫史

州之崇業鄖州之安陸城陽温州之宜人應州之平靖

上明順州之淮南土州之永川昌平之廣昌安昌申州

之義陽淮南息州之新蔡建安豫州之汝南臨潁廣寧

初安蔡州之蔡陽郢州之漢東二十郡為隋國 隋書高

祖紀

則天永昌元年秋七月武承嗣使周興羅告隋州刺史澤

王上金等謀反徵行在上金自殺 上金高宗子初封杞王 資治通鑑

建中四年八月乙卯李希烈將曹季昌以隋州降貞元二

年五月李希烈將李惠登以隋州降 唐書德宗紀

伊慎字寡悔初以江西牙兵屬李希烈署漢南北兵馬使
不受希烈反嗣曹王臯拔為大將以功為安州刺史攻
隋州戰薦鄉斬首五千級喻降李惠登即薦惠登為刺
史 伊慎傳

貞元初吳少誠擅蔡徙曹王臯鎮山南東道割隋以益其
軍 曹王臯傳

乾符四年八月黃巢陷隋州執刺史崔休徵 僖宗紀

王仙芝陷隋州執刺史崔休徵山南東道節度使李福遣
其子將兵救隋州戰死福奏求援兵遣左武衛大將軍

隋州志

卷十五 據史

十一

李昌言將鳳翎五百騎赴之 資治通鑑

光化元年七月朱全忠陷隋州執刺史趙匡璘 昭宗紀

朱全忠使氏叔琮進圍隋州執刺史趙匡璘斬首五千級
趙德諱傳

唐天祐二年七月王欲代唐使人諭諸鎮襄州趙匡凝以
為不可遣楊師厚攻之取其唐鄧復郢隋均房七州
代史梁本紀

同光元年冬十月丙戌貶梁御史中丞王權為隨州司戶
莊宗紀

雷德驥字善行仕周爲右拾遺判三司顯德中詔均定隨州諸縣民田屋稅稱爲平允

宋史雷有終傳

王全斌太原人乾德二年王師伐蜀全斌入成都有詠全斌奪民子女玉帛不法等事遂名還上內初立入京不下之獄但令中書問狀具伏因建隨州爲崇義軍責授全斌觀察留後開寶末郊恩召入侍祠

本傳

石守信浚儀人太平興國四年從征范陽督前軍失律降崇信軍節度

本傳

趙昌言字仲謨孝義人知天雄軍遷工部侍郎坐翟馬周

隨州志

卷十五

雜史

十三

上書貶崇信軍行軍司馬

本傳

楊覃字申錫錢塘人爲陝西轉運使徙知隨州移唐州勤於吏事所至以幹濟稱且有廉名

本傳

王超趙州人爲三路排陣使駕巡澶淵詔率兵赴行在緩師期罷三路帥爲崇信軍節度使徙知河陽子德用字元輔狀貌雄毅言者謂貌類藝祖孔道輔又繼言之罷爲武寧軍節度使又降右千牛衛上將軍知隨州置判官理其事家人惶恐德用舉止言色如平時惟不接賓客而已

本傳

郎簡字叔廉臨安人以校書郎知福清調隨州推官除著作佐郎簡性和易平居晏語惟以宣上德救民患為意
本傳

楊敞字樂道荊州人折節喜學問由直史館知隨州名為三司戶部判官清介謹畏自守甚約見稱士大夫
本傳

劉元瑜以擅補畫工易元吉為助教降知隨州
本傳

盛陶字仲叔州人為監察御史疏李復珪輕敵敗國程助開河無功
人實王安石所主陶不少屈出簽書隨

州判官
本傳

隨州志

十五
樞史

十四

劉彛知桂州以為安南可取乃大治戈船交人來互市者幸皆遏絕寧熙九年治其開費之罪安置隨州
宋元鑄

薛向字師正萬泉人同知樞密院事幹局總倫計算無遺策嘗奉詔令民畜馬旋知不便議欲改為舒寬論其反覆無大臣體斥知潁州改隨州卒元祐中錄其功諡恭

敏
本傳

邢恕天資反覆行險冒進哲宗立遷起居舍人為宣仁后姪公繪具奏乞尊崇朱太妃為高氏異日計后詰問公

繪汝素不識字誰爲此公繪不敢隱遂黜知隨州本傳

呂大防字微仲汲郡人拜尚書左僕射兼門下侍郎與范

純仁同心戮力凡八年固請避位章惇令上官均張商

英周秩劉拯相繼攻之奪大學士知隨州宋史本傳

范純仁疏奏呂大防年老疾病炎荒非久處之地章惇詆

與同罪落職知隨州貶武安軍節副永州安置時已失

明怡然就道每戒家人毋得稍有不平諸子或怒惇必

呵止之韓維子自言維執政日與司馬光議役法不合

得免其子亦欲以前議爲請笑曰吾用君實薦至宰相

隨州志

卷之五

撫史

十五

昔日在朝論事不合則可以爲今日地則不可與其有

愧心而生孰若無愧心而死乃止本傳

李道字行之光宗后父桑仲奏除武義郡副都統制兼知

隨州進閣門宣贊舍人後霍明殺仲道與統制李橫率

兵縞素圍明於郢州明亡去劉豫遣人持書來招道不

從執其使以聞詔嘉獎之豫怒遣將穆楷攻道復拒破

之除鄧隨鎮撫使兼知鄧州會李橫以命別將守鄧道

不敢進仍知隨州外戚傳

李成叛歸齊從金兵入寇陷鄧州李道亦棄隨遁成以王

嵩知隨州岳飛復襄陽連復唐鄧州遂磔王嵩 李成勳

紹興四年秋七月岳飛使牛臯復隨州 宋元通鑑

岳雲飛養子也年十二從戰多得其力軍中呼贏官人每

臨陣手握兩鐵椎重八十斤所向無敵攻隨破鄧功皆

第一飛不以聞 岳雲傳

寧宗開禧二年十一月金人被隨州 寧宗紀

金章宗泰和六年十一月壬午完顏匡取隨州 金史章宗紀

開禧三年十二月金復破隨州 寧宗紀

嘉定十年夏四月劉世興敗金兵於隨州十一年二月金

隨州志 卷之十五 撫史 十六

人圍棗陽孟宗政權棗陽隨方力拒隨州守許國援師

至白水鼓聲相聞金人奔潰 宋元通鑑

理宗端平元年春正月王晏戍隨州 全上

端平二年秋七月蒙古侵唐州知隨州金子才棄城遁三

年五月蒙古取隨嘉熙元年春正月賞程再暹為閣門

宣贊舍人京西鈐轄知隨州 以戰洪山功 淳祐十二年春正

月北兵攻隨 理宗紀

李庭芝在淮南聞陸秀夫名辟置幕下時天下稱得王

者以淮南為第一號小朝廷 宋元通鑑

元世祖至元十二年五月辛巳宋隨州守臣降元史世祖紀

附宋恭帝德祐元年五月辛巳行隨州事傅安國降元

宋以朱端履知隨州事徙治大洪山黃仙洞十二月元

兵破大洪山端履降元仍以端履知隨州即黃仙洞為

治領隨應山舊志

蒙古以申屠致遠為經畧司知事軍中機務多所謀畫師

至隨州所俘男女致遠悉縱遣之宋元通鑑

楊惟中從皇子濶出伐宋克棗陽光化軍光隨到諸州凡

得名士數十人收伊洛遺書送燕京元史楊惟中傳

隨州志 卷之十五 撫史 十七

附二年正月元徙大都諸路獵戶成隨之大洪山舊志

明玉珍一名旻隨州人世業農身長八尺目重瞳以信義

為鄉黨所服充弓兵首汝潁盜起隨人相結屯青山推

玉珍為屯長尋歸徐壽輝于漢陽授元帥與陳友諒同

隸倪文俊部下分守沔陽與左丞哈林禿戰飛矢損右

目軍中號曼瞎子至正十四年沔饑玉珍以兵千人駕

斗船泝夔府買糧至巫峽人多誑之者會青巾盜李喜

聚眾苦蜀義兵元帥楊漢以兵禦之右丞完者都方鎮

重慶忌其功置酒飲漢欲殺之漢覺脫走漢兵怒皆擊

船去出巫峽道遇玉珍羣訴之因言重慶一城守將吟
林禿完者都兩不相下且無厚兵可圖也玉珍用其策
襲破重慶於是禁侵掠勞父老市肆晏然降者相繼壽
輝授玉珍爲隴蜀右丞初玉珍攻重慶時道出瀘州宿
河下聞進上劉楨名躬訪之先一夕楨夢冕旒者造廬
明晨玉珍至與語大悅曰吾孔明也卽舟中拜爲理問
官進取成都及聞友諒殺壽輝自立玉珍怒曰友諒與
我比肩事漢陽何遽謀逆遣將守夔關不與相通且爲
壽輝發喪立廟尋取嘉定破東川據有全蜀二十二年

隨州志

卷之十五

撫史

十八

衆推玉珍爲隴蜀王分兵陷雲南陝西參政車力帖木
兒擊敗于金馬山禽其弟明二明年玉珍稱帝于成都
僭號夏改元天統立妻彭氏爲后子昇爲皇太子用劉
楨議倣周制設六卿置翰林諸官內設國子監教公卿
子外置提舉司教生徒府置刺史州曰守縣曰令賦稅
十取一開廷試製雅樂立郊社去釋老二教玉珍親統
兵入滇屯衆金馬山大理總管段功擊敗之仍還重慶
踰年殂年三十六玉珍頗節儉好文學蜀人安之僭號

元史

元史

鄧愈為湖廣行省平章洪武元年大軍經畧中原愈帥襄漢取南陽隨州降攻下牛心光石洪山諸寨

明史鄧愈傳

附明洪武元年七月衛公鄧愈伐隨元右丞王誠降九月入大洪山克老馬劉寨命白圭為隨州知州

舊志

正統四年遷交趾歸附官民於隨土知州閉色新黃元懿同知黃鐸判官岑斗烈吏目譚廣深與流官同治州事民一百十九口給之世業不徵租庸

全上

正德七年流賊劉六等掠隨州

德安府志

嘉靖十五年監察御史曹達劾罷尙書汪鋐後坐同官

隨州志

卷之十五

撫史

十九

曾翀上書謫隨州判官

舊志

崇正八年三月曹文詔敗賊於隨州

莊烈帝紀

曹文詔為援剿總兵官擊賊隨州斬賊三百八十有奇

曹

文詔傳

附流賊來寇圍遊擊田某於萬家店總兵官曹文詔帥

師來救一戰而克殺賊千餘人收還難婦二百餘口隨

民感之為生位於北門樓以祀之是年冬眾賊聚於洪

山總兵許成名以兵追之拔其老營賊大潰九年冬流

賊北曹操老獬獬隔里眼八大王等竄聚厲山諸鎮巡

撫王揚基統總兵官秦翼明追勦至孤山冲令副將楊世恩領兵三萬作前鋒至三道河賊設伏誘世恩入圍之世恩與其副二人夾河立營各築一土城禦賊賊晝夜攻不息相持至十三日糧盡揚基翼明轉棗陽檄附近堡人都士何士達餉世恩軍未幾軍陷世恩僅偕騎兵數百人奔出餘殲焉至今風雨之夕往往聞鬼哭云

舊志

十年春賊陷隨州責副總兵楊世恩戴罪自贖

湯九州傳

附二月朔賊張獻忠羅汝才破隨州外南關廟十一日

隨州志

卷之十五

撫史

二十

城陷知州王燾死焉翼日監紀張大金暨世恩領兵擊之遂復隨

十三年革裏眼左金王等四營豕突隨應麻黃

左良玉傳

附十四年四月二十五日賊張獻忠羅汝才又陷隨州平其城而去知州徐世淳學正詹濤致仕通判蕭鳳翎彰德同知張士進真安知州張士選諸生沈先約熊嗣光梁天培等俱戰死

舊志

徐公世淳以十三年十月莅隨時兵荒相接人民日耗一里僅存一二甲一甲亦僅存一二戶而催督預備糧

料及協濟各處兵餼檄日至一無以應公乃清查里甲
每甲每戶各實銀若干實荒若干總造實徵冊每戶給
一實徵單另造荒冊申詳院司著爲定籍旋奉部題以
隨州襄陽爲湖廣第一等荒永爲除額十四年正月公
集城內外居民驗視擇其人之精壯可使習弓矢者三
百餘人號爲義勇又擇其人之可任者二人爲李世科
李應宿授以冠帶又擇人之堪訓練者十人爲副朝夕
操練又出金造器械採買火藥二千餘觔造大銃八門
百子礮三十門鳥銃五十門三眼礮六十門鐵燈籠一

隨州志

卷之五

雜史

二十一

百八座以及火礮礮弩悉備二月初六日辰刻忽報襄
陽失守公曰我故知賊未易殄今果猖獗矣賊得志而
東隨必首受其難乃統料民丁計城分守更番遞息練
總趙挺守南門百戶袁應鳳守北門李世科守東門李
應宿守西門公與次子文可及家丁循環稽察自昏及
曉不息二月十二日有奸人海會葉三連登等十一人
欲勾賊內應城中火每夜起公察知之擒禁州獄望口
又擒奸細李二等訊之云賊伺城火發驚擾薄城因城
內守嚴不可得志遂去隨而東南往矣四月初信陽報

警遠軍信陽僅二百餘里十四報賊攻應山十五報攻
德安十六賊哨馬至平林市午後報哨南河魯家店十
七日又報賊至何家三岔灣十八報賊居安店及滾潭
店均川厲山諸處連具文告急環隨百里內夜火如白
晝塵霧彌天十九日賊薄州城時城中民丁不滿三百
日夜望援師至數日後聞已遣兵而爲守道趙某檄去
協守丞天矣城中皆哭以爲必死然公察之無一人欲
降者益勵衆固守二十五日賊偵知州城因高爲基惟
北門低下乃併衆攻其北已刻城陷公力戰死公妾王

隨州志

卷之五

撫史

五

氏趙氏藏獲十八人皆死賊驅趙出不可先殺其所抱
幼女申姑斷其八指罵益厲賊刃之賊去吳人石琳始
得公屍於憲司前見公矢貫於頤鼻眼橫斷爲具棺殯
於城內之土地祠三日後又求趙氏屍得之土牆下與
申姑相抱不解胸著布囊中函金剛經遂併棺以歛後
五日難民王載義等自賊營脫歸云州即埋後廨東牆
下公子被殺時牽衣告之者及掘地果在至是知公子
擁至賊營遇害矣屍卒不可得

徐公殉難錄

隨自十年正月陷及是再陷至七月復陷判官余埒死焉

三陷之後城中幾無孑遺

徐世淳傳

附守備黃章袞奉委來守因城平無據率兵壘南門
臺為堡乃聚眾千有餘人七月二十三日闖賊李自成
突至圍堡誘之降章袞叱之與巡檢陳某廕生朱藩誓
死守賊攻之不能下乃以巨礮擊之章袞藩陳巡檢與
千餘人同死堡中判官余公卽以是日死十五年春巡撫宋一鶴
統兵復隨州親祭死難官民於南門樓下命知州盛世
才練總張國威修城浚濠焉十六年春闖賊復陷隨州
以其黨汪鷺為偽隨州牧舊志

隨州志

卷十五

撫史

二二

十六年總督丁啟睿朱大典閣部楊嗣昌統京營兵號
十萬追賊至隨之小壩山我兵大捷次日大雨衣甲火
藥盡濕賊四面衝突我兵奮擊如前忽風沙交作大霧
西塞兵遂敗績賊縛將士駢戮屍積王家壩西白骨嶺
嶺鄉人憐而瘞之時中原鼎沸玉石俱焚自李自成走
厲山其右隊走安居破長慶堡駐劄運糧會啟睿大軍
暨保定總督楊文岳收復殘師轉至長慶堡撲勦斬賊
千餘級餘賊奔州城合老營既而遁去全上

考明史諸人本傳嗣昌死於崇正十四年嗣昌死而以啟睿代之然啟睿實未之任十五年七月會文岳於

其總督河南江北湖廣雖在十六年然實鎮鳳陽俱不見有來隨勦賊事舊志所云不知何據

十七年春遣將惠登相毛憲文復德安隨州 何騰蛟傳

雜記

太史公謂百家言不雅馴搢紳先生難言之况後世
卮言日出其不見斥於搢紳者鮮矣然唐柴而後作
者迭興凡事為正史所不載者諸家或傳之亦學者
考鏡之資也志雜紀第三十四

曲江集有太僕卿上柱國華容縣男王府君墓誌云公諱

隨州志

卷十五

雜紀

二四

某瑯琊臨沂人解巾相王府參軍歷太子通事舍人陸
渾縣俄遷隨州刺史賢明獨斷政教宏宣始為漢東之
美繼以巴中之異郡歷數四政常第一驟遷越州大都
督開元二年封華容縣男

劉長卿字文房河間人開元二十一年進士至德中為監
察御史歷鄂岳觀察使吳仲孺誣奏貶潘州南邑尉會
有為之辯者除睦州司馬終隨州刺史以詩馳聲上元
寶應間權德輿常謂五言長城皇甫湜亦云作詩未有
劉長卿一句已呼宋玉為老兵其見重如此

州刺史李公墓誌銘云公諱長隴西狄道人拜均
州治中遷鄧州康允之叛公會諸將以王命討不臣尺
兵不棄允黨大壞宛葉之間民受其賜上方勤恤下民
重二千石之任不暇登公於朝由是歷隨曹婺三州三
州轉寧徵傅韓王

溫庭筠本名岐字飛卿太原人宰相彥博裔孫少敏悟才
思豔麗韻格清拔工爲詞章小賦與李商隱齊名稱溫
李然行無檢幅數舉進士不第思致神速每入試押官
韻作賦凡八义手而成時號溫八义徐商鎮襄陽署爲

隨州志

卷之十五 雜紀

巡官不得志去歸江東後商知政事頗右之欲自用會
商罷相楊收疾之貶方城尉再遷隋縣尉卒集二十八
卷

胡文恭集有宋故左龍武衛大將軍李公墓誌銘云公諱
從浦字可大南唐烈祖之孫元宗之子後主之貴介弟
也開寶中受言奉幣入貢誕節我真人既興歸運有屬
臺城隨下青蓋入侍太祖記使平之舊寵祿將之敏授
右神武大將軍領漢東郡事未幾夏帥繼捧挈河石之
區舉國內屬朝廷授以崇信節制移公江夏

應山縣志載連光裕世家上黨其祖聰徙居隨光裕爲應
山令後爲磁郢二州司理卒葬應山

文忠公記舊本韓文後云予少家漢東漢東僻陋無學者
吾家又貧無藏書州南有大姓李氏者其子彥輔頗好
學予爲兒時多遊其家見其敝筐貯古書在壁閒發而
視之得唐昌黎先生文集六卷脫畧顛倒無次第因乞
李氏以歸

錢文僖公惟演以崇信軍節度使歸本鎮惟演出於勳貴
文詞清麗與劉筠楊億併在郡對酒必自歌曰城上烟

隨州志

卷之十五 雜記

二六

光鶯語亂城下烟波風拍岸

沈括筆談世人有得雷斧雷楔者云雷神所墜多於震雷
之下得之而未嘗得見元豐中予居隨州夏日大雷震
一木折其下乃得一楔信如所傳凡雷斧多以銅鐵爲
之楔乃石耳似斧而無孔世傳雷州多雷有雷祠在焉
其間多雷斧雷楔

又云予在漢東得一玉琥美玉而微紅酣酣如醉肌溫潤
明潔或云卽玫瑰也

又隨州醫蔡士寧嘗寶一息石云數十年前得於一道人